

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD TRAVNIK
Broj: 51 0 St 214192 23 St
Travnik, 03.07.2024.godine

Općinski sud u Travniku, postupajući po stečajnom sucu Ivi Žabiću, u stečajnom postupku nad privrednim društvom „Tvornica namještaja“ d.o.o. Turbe, Lagerska b.b., Turbe, Travnik, zastupan po punomoćniku Advokatsko društvo „Adil Lozo i drugi“ d.o.o. Travnik, za otvaranje stečajnog postupka nad navedenim društvom, nakon održanog ročišta za utvrđivanje uslova za otvaranje stečajnog postupka nad navedenim društvom, izvan ročišta dana, 03.07.2024.godine, donio je;

Rješenje

Otvara se i zaključuje stečajni postupak nad stečajnim dužnikom „Tvornica namještaja“ d.o.o. Turbe, Lagerska b.b., Turbe, Travnik, MBS 51-01-1984-09 (stari broj 1-1969), zbog nedostatka stečajne mase za pokriće troškova stečajnog postupka.

Nalaže se registru ovog suda da izvrši upis Rješenja o otvaranju i zaključenju stečajnog postupka nad stečajnim dužnikom „Tvornica namještaja“ d.o.o. Turbe, a po pravomoćnosti istog, odjeljenje registra ovog suda brisat će stečajnog dužnika iz sudskog registra.

Ovo Rješenje će se objaviti u „Službenim novinama FBiH“, na oglasnoj ploči suda, web stranici suda – elektronskoj tabli i na Internet stranici FIA-e.

Troškovi stečajnog postupka padaju na teret stečajnog dužnika.

Obrazloženje

Predlagatelj je po punomoćnicima dana 22.06.2023.godine, podnio ovom sudu prijedlog za otvaranje stečajnog postupka nad društvom „Tvornica namještaja“ d.o.o. Turbe, Lagerska b.b., Turbe, Travnik.

Kao prilog prijedloga za otvaranje stečajnog postupka dostavio je; Aktualni Izvod iz sudskog registra Općinskog suda Travnik broj 051-0-REgZ-23-000739 od 17.05.2023.godine, Rješenje Općinskog suda Travnik broj 051-0-Reg-09-000314 od 07.05.2009.godine, Rješenje Općinskog suda u Travniku o izmjenama podataka broj 051-0-REg-12-000740 od 03.01.2013.godine, Rješenje Kantonalnog suda u Travniku broj U/I-494/03 od 23.07.2003.godine, Bilans stanja na dan 31.12.2020.godine, Bilans stanja na dan 31.12.2021.godine, Bilans uspjeha za period od 01.01.2020.godine do 31.12.2020.godine, Bilans uspjeha za period od 01.01.2021.godine do 31.12.2021.godine.

Dana 08.11.2023.godine, održano je ročište u postupku saslušanja stečajnog dužnika na kojem ročištu je saslušana zakonska zastupnica stečajnog dužnika „Tvornica namještaja“ d.o.o. Turbe, Ajka Kuršumljija. Navedena zakonska zastupnica je izjavila da društvo nema pokretne niti nepokretne imovine jer je društvo „Luxor“ d.o.o. otkupio založna prava, a zatim je preuzeo kao založni povjeritelj imovinu i ostavio radnike da rade sa istom imovinom.

Nakon ročišta u postupku saslušanja stečajnog dužnika, sud je donio Rješenje o pokretanju prethodnog stečajnog postupka radi utvrđivanja uvjeta za otvaranje stečajnog postupka nad navedenim stečajnim dužnikom i za privremenog stečajnog upravitelja imenovao Armina Ganibegović iz Travnika.

Rješenje o pokretanju prethodnog stečajnog postupka od 28.11.2023.godine objavljeno je na web stranici suda, na Internet stranici FIA-e, na oglasnoj ploči suda dana 24.12.2023.godine i u Službenim novinama FBiH broj 96, dana 13.12.2023.godine. PO objavljivanju navedenog rješenja Kantonalni porezni ured Novi Travnik, podnio je Zahtjev broj 13-6-01-12-28-569/23 VL-6 od 15.12.2023.godine za namirenje potraživanja po osnovu poreznih obveza u iznosu od 449.998,35 KM.

Privremeni stečajni upravitelj Armin Ganibegović je dana 07.03.2024.godine sudu dostavio Izveštaj o poduzetim radnjama i zatečenom stanju u privrednom društvu „Tvornica namještaja“ d.o.o. Turbe, Lagerska b.b., Turbe-Travnik, u kojem navodi da su svi računi stečajnog dužnika, a ukupno ih je imao 6 banaka, svi su blokirani i ugašeni duži vremenski period, da stečajni dužnik ne raspolaže imovinom iz koje bi se realno mogli podmiriti troškovi stečajnog postupka, da društvo ima obveze, da se iste sastoje od obveza prema dobavljačima u zemlji, obveza prema uposlenicima, obveza za kredite prema bankama, da je ukupna vrijednost imovine na dan 28.11.2023.godine, jednaka 0,00 KM bez obzira na knjigovodstvenu vrijednost po zadnjem dostupnom financijskom izvještaju na dan 31.12.2022.godine.

Na ročištu u postupku ispitivanja uslova za otvaranje stečajnog postupka, privremeni stečajni upravitelj je naveo da društvo „Tvornica namještaja“ d.o.o. Turbe, ima obveze u ukupnom iznosu od 2.374.000,00 KM, a to su obveze prema poreskoj upravi i dobavljačima, kao i prema uposlenicima i da su sve te obveze starije od 60 dana i mnogo više

Kod ovakvog činjeničnog stanja, sud nalazi da je prijedlog za pokretanje stečajnog postupka dopušten, da postoje razlozi za otvaranje stečajnog postupka (platežno, kratkoročno i dugoročno nesposobnost plaćanja obveza), da su računi dužnika blokirani, da stečajni dužnik nema imovine koja bi bila predmetom unovčenja u ovom stečajnom postupku, da nije moguće pokriti troškove stečajnog postupka.

Odredbom članka 102. stavak 7. Zakona o stečaju („Službene novine FBiH“ br. 53/21), propisano je; „ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudac će javnim pozivom, objavljenim na oglasnoj ploči suda, web stranici suda i Službenim novinama FBiH, pozvati povjeritelje i zainteresirane osobe, da u roku od 30 dana od dana objavljivanja poziva predlože otvaranje stečajnog postupka i uplate predujam za osiguranje troškova stečajnog postupka u iznosu koji odredi stečajni sudac“.

Odredbom članka 102. stavak 8. navedenog Zakona, propisano je „ako u roku iz stavka 7. ovog članka, povjeritelji i zainteresirane osobe ne predlože otvaranje stečajnog postupka i ne uplate predujam, stečajni sudac će otvoriti stečajni postupak i odmah zaključiti postupak“.

Sud je javnim pozivom koji je objavljen na oglasnoj ploči suda dana 15.05.2024.godine, Službenim novinama FBiH broj 37. dana 22.05.2024.godine, na web stranici suda, pozvao povjeritelje i zainteresirane osobe da u roku od 30 dana od dana objavljivanja, predlože otvaranje stečajnog postupka i uplate predujam u iznosu od 5.000,00 KM za osiguranje troškova stečajnog postupka.

Kako nitko od povjeritelja i zainteresiranih osoba nije u navedenom roku predložio otvaranje stečajnog postupka i nije uplatio traženi predujam za troškove stečajnog postupka, valjalo je odlučiti kao u izreci Rješenja, sukladno odredbi članka 102. stavak 7. i 8., Zakona o stečaju („Službene novine FBiH“ br. 53/21), u vezi sa člankom 108. stavak 1. pod b), čl. 107. čl. 190. stavak 10. i čl. 204. stavak 5. navedenog Zakona.

POUKA;
sudac;

Stečajni

*Protiv ovog rješenja dopuštena je žalba
Kantonalnom sudu u Novom Travniku
u roku od 8 dana, od dana objavljivanja Rješenja
u Službenim novinama FBiH.
Žalba se podnosi u 3 primjerka putem ovog suda.*

Ivo Žabić